

Headline	Seminar dua hari FRIM		
MediaTitle	Utusan Malaysia		
Date	23 Apr 2014	Color	Black/white
Section	Dlm Negeri	Circulation	173,387
Page No	27	Readership	699,000
Language	Malay	ArticleSize	76 cm ²
Journalist	N/A	AdValue	RM 990
Frequency	Daily	PR Value	RM 2,971



Seminar dua hari FRIM

KUALA LUMPUR 22 April - Institut Penyelidikan Perhutanan Malaysia (FRIM) akan menganjurkan seminar 'Pemuliharaan dan Pemerkasaan Pengetahuan Tradisi 2014' yang akan berlangsung selama dua hari bermula 23 Mei ini di Pusat Dagangan Dunia Putra (PWTC) di sini.

Lebih 200 peserta terdiri daripada penyelidik, ahli-ahli akademik termasuk seramai 60 orang wakil masyarakat Orang Asli dijangka hadir pada seminar tersebut.

Wakil masyarakat Orang Asli dari 18 sub etnik di negara ini ini yang terlibat dalam projek dokumentasi pengetahuan tradisi akan berkongsi maklumat terkini dan hasil penyelidikan yang diperolehi pada seminar itu.

FRIM dalam satu kenyataan berkata, seminar bertemakan 'Melestarikan Legasi Pengetahuan Tradisi' itu akan membincangkan pelbagai usaha dalam memulihara, mengaplikasi serta merealisasikan produk berasaskan herba dengan dokongan saintifik yang kukuh serta isu-isu berkaitan perkongsian pintar.

"Orang ramai turut dijemput melawat Pameran Herba Malaysia 2014 yang diadakan sempena penganjuran seminar yang bakal dirasmikan oleh Menteri Sumber Asli dan Alam Sekitar, Datuk Seri G. Palanivel," kata FRIM dalam satu kenyataan di sini, hari ini.